

Ilanngussaq 2

Tusarniaanermi akissutit tulliuuttoq pillugu, Uunga siunnersuut: Naartunermi, erninermi meeravissiarthaarnermilu sulinnigiffeqartarneq pillugu Inatsisartut inatsisaat nr. xx, xx. xxx 2020-imeersoq

Siunnersuut novembarip aallaqqataaniit 29-anut 2019-imi tusarniaassutigineqarsimavoq. Tamassumalu saniatigut piffissami pineqartumi tusarniaassutigineqartoq tamanut tusarniaanernut atorneqartartumi www.naalakkersuisut.gl -ikkut saqqumisimalluni.

Aallaqqaasiut:

Tusarniaanermi teknikkimut aammalu oqaatsitsigut amigaatitigullu kukkunerusunut attuumassuteqartut iliuuseqarfigineqarfigatik siunnersuummi aaqqiiffineqarsimapput. Tusarniaanermi imarisatigut oqaaseqarfigineqartut ataatsimut allaaserineqarsimapput naalakkersuisoqarfiullu oqaaseqaatai uingasumik allanneqarsimallutik.

Siunnersuut pillugu:

Siunnersuut siullermik sapaatit akunneri tallimat tamanut tusarniaassutigineqarsimapput 2019-imi apriliip qulinganiit 2019-imi maajip 15-ianut.

Tusarniaanermi akissutigineqarsimasut aallaavigalugit siunnersuummi assigiinngitsunik allannguisoqarsimavoq maannakkullu siunnersuutigineqartoq pitsaanerusedumik suliarineqarsimalluni. Taamaattumik siunnersuut tusarniaassutigineqarfigissimavoq, siunnersuummi allannguutigineqartut kiisalu tusarniaasoqarqaarnerannit allannguinerit oqaaseqarfigineqarsinnaaniassamata.

Siullermik tusarniaasoqarneranit akissuteqartut pillugit allakkiaq ilanngunneqarsimavoq. Tassanilu tusarniaanermi akissutit ataatsimut allaaserineqarsimapput, tusarniaavigineqartullu oqaaseqaataat siunnersuummi qanoq allannguisimansoq ersersinneqarsimalluni.

Naatsorsuutigisat malillugit siunnersuut 2020-mi upernaakkut ataatsimeersuartoqarnissaanni saqqummiunneqassangatinneqarpoq.

Tusarniaasoqarneranit siullermi allannguutit annertuut tassaapput:

- Sulinnigiffeqarneq meerartaarneq sioqqullugu sapaatit akunneri 2-niit 4-nut sivitsorneqarpoq.
- Ataataasup sulinnigiffeqarfigisassatut pisinnaatitaaffiinik anaanaasup nulianut imaluunniit nalunaarsorneqarsimallutik aapparisaannut sulinnigiffeqarsinnaanerup tunniunneqarnissaanut kommunalbestyrelsip akuersisinnaanera peerneqarpoq. Tassunga taarsiullugu “anaanaaqataasoq” allanneqarpoq, taamaalilluni arnaq meeqqamut anaanaaqataasutut nalunaarsorneqarsimasoq ataataasutulli sulinnigiffeqarsinnaanermut pisinnaatitaaffeqalissammat.

- Namminersorlutik suliffeqarfinni sulisut sulinngiffeqarnerminni akissarsiaqaannarnissaat pillugu malittarisassat kiisalu sulisitsisup utertitsivigineqarsinnaanera ersarinnerusumik oqaasertalerneqarput.
- Oqaaseq “koruunimut qummut killigititaq” “akigititap annerpaaffissaa”-nik taarserneqarpoq.
- Pisortat naligiissaarisarnissaat pillugu siusinnerusukkat aalajangersagassatut siunnersuutigineqartoq siunnersuummit peerneqarpoq.
- Meerartaarnermut atatillugu sulinngiffeqarnermi ullormusiat pillugit aalajangersakkat erseqqissarneqarput. Inatsimmi pisortat ikiorsiissutaannut allanut tunngassuteqartut peerneqarput, taakkuli ilitersuummi allanneqarumaarput.
- Meerartaarnermut atatillugu sulinngiffeqarnermut aningaasaateqarfimmut suliffeqarfiit namminersortut akiliutissaanik akiliisitsiniartarneq peerneqarpoq, taannami Sulisoqarnermut akitsuut pillugu Inatsimmi malittarisassiunneqarmat.
- Nalinginnaasumik nassuiaatit erseqqinnerusumik oqaasertalersorneqarput, aningaasaqarnermullu kingunerisassat itisilerneqarput.
- Atuutilerfissaa 1. januar 2021-imut siuartinneqarpoq.

Siunnersuut tulliuuttuni tusarniaassutigineqarsimavoq:

Naalackersuisut Siulittaasuata Naalackersuisoqarfia, Pinngortitamut Avatangiisinullu Naalackersuisoqarfik, Aningaasaqarnermut Naalackersuisoqarfik, Ineqarnermut Attaveqarnermullu Naalackersuisoqarfik, Nunanut Allanut Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Peqqissutsimut Naalackersuisoqarfik, Isumaginninnermut Inatsisinillu Atuutsitsinnermut Naalackersuisoqarfik, Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalackersuisoqarfik, Aatsitassanut Naalackersuisoqarfik, Ilinniartitaanermut, Kultureqarnermut Ilageeqarnermullu Naalackersuisoqarfik, Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Kalaallit Nunaanni Nunaqarfiit Peqatigiiffiat - Kanunupe, Isumaginninnermi Naammagittaalliuuteqartarfik, Inuit Pisinnaatitaaffii pillugit Siunnersuisoqatigiit, Naligiissitaanermut Siunnersuisoqatigiit, Institut for Menneskerettigheder, Meeqqat illersuisuat MIO, Peqatigiiffik Kalaallit Meerartaat, MIBB (Meeqqat inuunerissut), Sorlak (Kalaallit Nunaanni meeqqat inuusuttullu siunnersoqatigiiffiat), Unicef Kalaallit Nunaat, Innarluutillit illersuisuat Tilioq, INOOQAT (Kalaallit Nunaanni angajoqqaat ineriartornermikkut akornutilinnut meerallit peqatigiiffiat), Nunatsinni Inuit Innarluutillit Kattuffiat, ISI (Kalaallit Nunaanni tappiitsut isigiarsuttullu peqatigiiffiat), KTK (Kalaallit Nunaanni tusilartut peqatigiiffiat), Landsforeningen Autisme, Kalaallit Nunaat, Utoqqaat peqatigiiffiat, Angajoqqaatigitiit (Angajoqqaat meeqqanut ADHD-linnik aammalu/imaluunniit autismelinnik meerallit), Neriuffik, KNIPK (Kalaallit Nunaanni innarluutillit peqatigiiffiat), Sugisaq (Tarnikkut nappaatillit ilaaqutaasullu peqatigiiffiat), Pissassarfik – Nuna tamakkerlugu innarluutilinnut sullissivik, Kalaallit Nunaanni Røde Kors, Transparency Greenland, Sulisitsisut, SIK, IMAK (Kalaallit Nunaanni ilinniartitsisut peqatigiiffiat), NIISIP (Kalaallit Nunaanni isumaginninnermut siunnersortit ilinniarsimasut peqatigiiffiat), AK (Sulisut peqatigiiffiat), Nunatsinni Perorsaasut Kattuffiat (Sulisut peqatigiiffiat), ASG (Kalaallit Nunaanni ilinniagartuut peqatigiiffiat), Kalaallit Nunaanni peqqissaasut peqatigiiffiat, KNAPK, Savaatillit Peqatigiiffiit Suleqatigiissut, Kalaallit Nunaanni Politiit, Pinerluttunik isumaginnittoqarfik, Kalaallit Nunaanni

Eqqartuussivik, Nunatsinni advokatit, Kalaallit Nunaanni illersuisuuneq, Naalagaaffiup Sinniisoqarfia, Moderniseringsstyrelsen.

Tulliuttut tusarniaanermi akissuteqarput:

Pinnngortitamut Avatangiisinullu Naalakkersuisoqarfik, Aningaasaqarnermut Naalakkersuisoqarfik, Ineqarnermut Attaveqarnermullu Naalakkersuisoqarfik, Peqqissutsimut Naalakkersuisoqarfik, Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfik, Ilinniartitaanermut Kultureqarnermut Ilageeqarnermullu Naalakkersuisoqarfik, Kommune Qeqertalik, Qeqqata Kommunian, Kommuneqarfik Sermersooq, Isumaginninnermi Naammagittaalliuuteqartarfik, Institut for Menneskerettigheder, Meeqqat illersuisuat MIO, KNIPK (Kalaallit Nunaanni innarluutillit peqatigiiffiat), Sulisitsisut, IMAK (Kalaallit Nunaanni ilinniartitsisut peqatigiiffiat), ASG (Kalaallit Nunaanni ilinniagartuut peqatigiiffiat), Kalaallit Nunaanni peqqissaasut peqatigiiffiat, Kalaallit Nunaanni Politiit, Kalaallit Nunaanni Eqqartuussivik, Nunatsinni advokatit, Moderniseringsstyrelsen.

Tulliuttut oqaaseqaateqanngillat:

Pinnngortitamut Avatangiisinullu Naalakkersuisoqarfik, Ineqarnermut Attaveqarnermullu Naalakkersuisoqarfik, Peqqissutsimut Naalakkersuisoqarfik, Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, KNIPK (Kalaallit Nunaanni innarluutillit peqatigiiffiat), IMAK, ASG (Kalaallit Nunaanni ilinniagartuut peqatigiiffiat), Kalaallit Nunaanni Politiit, Kalaallit Nunaanni Eqqartuussivik, Moderniseringsstyrelsen.

Oqaatigineqassaaq Meeqqat illersuisuat MIO tusarniaanermi siullermi uungalu akissuteqarsimammat oqaaseqaatitaqanngitsunik. Ajoraluartumilli kukkusoqarneratigut Meeqqat illersuisuata tusarniaanermi akissuteqaataa tusarniaasoqarsimanermi siullermi akissuteqarsimasut pillugit allakkiami ilanngunneqarsimanani.

Tusarniaanermi akissuteqaatit:

1. Isumaginninnermi Naammagittaalliuuteqartarfik,

Tusarniaanermi akissutit - Uunga siunnersuut: Naartunermi, erninermi meeravissartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq

Isumaginninnermi Naammagittaalliuuteqarfiup allattoqarfianinngaanniit Uunga siunnersuut: Naartunermi meeravissartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq pillugu oqaaseqaateqarsinnaatitsinnut periarfissinneqarnitsinnut qujavuugut, akissuteqaatigullu tulliuttut maanna apuuppagut.

§ 55 pillugu

Aalajangersakkami allassimavoq Inatsisartut inatsisaat una malillugu Inatsisartut inatsisaatigut malittarisassatigulluunniit kommunalbestyrelsesemi aalajangiunneqartut isumaginninnermut aqutsisoqarfiup oqartussaqaarfiullu inatsisai atuuttut aallaavigalugit Isumaginninnermi Naammagittaalliuuteqartarfimmut naammagittaalliuutiginneqarsinnaapput.

Isumaginninnermi Naammagittaalliuuteqarfiup allattoqarfianinngaanniit maluginiaqqarput inatsisissatut siunnersuummi § 43-mi allassimammat, qinnuteqartoq kommunit agguataarnerisa avataanni aalajangersimasumik najugallip qinnuteqaatini Naalakkersuisunut tunniutissagaa, taakkualu suliamik ingerlatsisuussasut. Kommuneqarfiit avataanni najugalimmut aalajangiussaasimasooq pillugu naammagittaalliuuteqartoqassappat naammagittaalliuut Isumaginninnermi Naammagittaalliuuteqarfimmut ingerlateqqinneqarsinnaanngilaq, tassami § 55-mi allanneqarsimagami kommunalbestyrelsemi aalajangiunneqarsimasut kisimik pineqartut.

Inatsisissatut siunnersuummi siunertaappat Naalakkersuisut kommuneqarfiit avataanni aalajangersimasumik najugalik pillugu aalajangiiffigisimasaat Isumaginninnermi Naammagittaalliuuteqarfimmut naammagittaalliuutigineqarsinnaanissaa, taava siunnersuutigineqarpoq § 55-imi ima allaqqasoqassasoq:

§ 55. Inatsisartut inatsisaat una malillugu Inatsisartut inatsisaatigut malittarisassatigulluunniit kommunalbestyrelsemi Naalakkersuisuniluunniit aalajangiunneqartut isumaginninnermut aqutsisoqarfiup oqartussaqaarfiullu inatsisai atuuttut aallaavigalugit Isumaginninnermi Naammagittaalliuuteqarfimmut naammagittaalliuutigineqarsinnaapput.

Akissut: Ilaannakortumik ilanngunneqarsimavoq. Imm.2-mik ilanngussisoqarsimavoq, tassanilu ima allassimavoq:

” Imm. 2. § 43-mi imm. 2-mi allassiamsut malillugit Naalakkersuisut aalajangigaa isumaginninnermut aqutsisoqarfiup oqartussaqaarfiullu inatsisai atuuttut aallaavigalugit Isumaginninnermi Naammagittaalliuuteqarfimmut naammagittaalliuutigineqarsinnaapput.”

Taamannak allassimanagerup tunngavigaa Naalakkersuisut siunnersuummi allatigut aallatut aalajangiisinnaammata, aalajangiiffigisallu tamarmik Isumaginninnermi Naammagittaalliuuteqarfimmut naammagittaalliuutigineqarsinnaanatik.

2. Qeqqata Kommunua

Ilassutitut tusarniaaneq una pillugu: " Uunga siunnersuut: Naartunermi, erninnermi meeravissiarthaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq"

Inatsisissatut siunnersuummi allannguutaasimasut pillugit Qeqqata Kommunua (maannakkumiit: QK) ima oqaaseqaatissaqarpoq:

Erninnginnermi sulinngiffeqarsinnaatitaaneq sapaatit akunneri marlunninngaanniit sisamanut sivitsorneqarnera QK-ninngaanniit allannguut ilalerneqarpoq.

Akissut: Oqaaseqaatitaqanngilaq, akissutigineqartutigummi siunnersuut isumaqatigineqarmat.

Ataataasup sulinngiffeqarfigisassatut pisinnaatitaaffiini anaanaasup nulianut imaluunniit nalunaarsorneqarsimallutik aapparisaannut sulinngiffeqarsinnaanerup tunniunneqarnissaanut kommunalbestyrelsip akuersisinnaaneranut tunngasumut aalajangersagaq peerneqarsimavoq.

Tassunga taarsiullugu “anaanaaqataasoq” allanneqarpoq, taamaalilluni arnaq meeqqamut anaanaaqataasutut nalunaarsorneqarsimasoq ataataasutulli sulinngiffeqarsinnaanermut pisinnaatitaaffeqalissamat.

QK-minngaanniit ”ataataaqataasoq” ilannguteqquneqarsimagaluarpoq imaluunniit ”angajoqqaataasoq”-mik allassimasoq taarserneqaqqusimagaluarluni.

Akissut: Ilanngunneqanngilaq

Nalinginnaasumik oqaaseqaatini imm. 2.6-imi allassimasut malillugit inatsisitigut angajoqqaat assigiinngitsumik suaassusillit imaluunniit angajoqqaat arnaannaasut sulinngiffeqarsinnaanernik sinaakkusissoqarpoq.

Tassunga pequtaavoq ernisoqarnerani arnamik ernisoqartuaannarnissaa, tassungalu atatillugu pineqartoq meeqqap inunngornerani inatsisitigut angajoqqaajusutut pineqartoq allanneqartariaqarluni. Meeravissiartaarnissamat inatsisit malillugit meeqqap angajoqqaavi meeqqap pingasunik qaammateqalinnginnerani meeravissianngortinnissaanut akuersissummik tunniussisinnaanngilaq. Taamaasilluni ataataasup aapparissaa angut anaanaasup erninerminut atatillugu pisinnaatitaaffianik tigusisinnaanngilaq. Inatsisissatummi siunnersuummi siunertaanngilaq angajoqqaat pingasut erninermusiaqarnissaminut pisinnaatitaaffilernissaat.

Namminersorlutik suliffeqarfinni sulisut sulinngiffeqarnerminni akissarsiaqaannarnissaat pillugu malittarisassat kiisalu sulisitsisup utertitsivigineqarsinnaanera ersarinnerusumik oqaasertalerneqarput.

QK oqaaseqaateqanngilaq.

Oqaaseq “koruunimut qummut killigititaq” “akigitap annerpaaffissaa”-nik taarserneqarpoq. QK-minngaanniit allannguut ilalerneqarpoq.

Pisortat naligiissaarisarnissaat pillugu siusinnerusukkut aalajangersagassatut siunnersuutigineqartoq siunnersuummit peerneqarpoq.

QK oqaaseqaateqanngilaq.

Meerartaanermut atatillugu sulinngiffeqarnermi ullormusiat pillugit aalajangersakkat erseqqissarneqarput. Inatsimmi pisortat ikiorsiissutaannut allanut tunngassuteqartut peerneqarput, taakkuli ilitsersuummi allanneqarumaarput.

QK -minngaanniit allannguut ilalerneqarpoq.

Meerartaanermut atatillugu sulinngiffeqarnermut aningaasaateqarfimmut suliffeqarfiit namminersortut akiliutissaanik akiliisitsiniartarneq peerneqarpoq, taannami Sulisoqarnermut akitsuut pillugu Inatsimmi malittarisassiuunneqarmat.

QK oqaaseqaateqanngilaq.

Nalinginnaasumik nassuiaatit erseqqinnerusumik oqaasertalersorneqarput, aningaasaqarnermullu kingunerisassat itisilerneqarput.

QK -minngaanniit allannguut ilalerneqarpoq.

Atuutilerfissaa 1. januar 2021-imut siuartinneqarpoq.

QK -minngaanniit allannguut ilalerneqarpoq.

Akissut: Oqaaseqaatitaqanngillat, akissutigineqartutigummi siunnersuutit isumaqatigineqarmata.

3. Kommune Qeqertalik

Tusarniaanermi akissutit una pillugu.: Naartunermi, erninermi meeravissiarthaarnermilu sulinnigiffeqarneq pillugu" pisortatigoortumik tusarniaasoqaqqinnera.

Kommune Qeqertalik siunnersuutigineqartutut nassiussap imarisaa ilalerpaa, imatullu oqaaseqaatissaqarpugut:

Isumaginninnermut Inatsisinullu Atuutsitsinermut Naalakkersuisoqarfimmit siunnersuutaasimasooq malillugu Kommune Qeqertalimminngaanniit nalinginnaasumik angajoqqaajusut meeqqap inunngornerata kingorna angerlarsimaffimmut allamut inissiisoqarneranut aammalu/imaluunniit meeqqap inunngoqqammernermi toqunerata kingorna sulinnigiffeqarsinnaaneranut attuumassusillit amigaatigineqarput.

Akissut: Siunnersuummi meeqqanut angajoqqaajusunut meeqqap angerlarsimaffimmut allamut inissinneqarneranut inunngoqqammernullu kingorna toquneranut atatillugu sulinnigiffeqarsinnaaneri allannguiffigineqanngillat.

§ 16-imi allassimavoq §§ 3-mi, 7-mi 9-milu sulinnigiffeqarsinnaanermut pisinnaatitsissut atorunnaarsinneqarsinnaaneq ajorpoq meeraq toqungalluni inunngorsimappat, allamut meeravissiasannagortinneqarsimappat imaluunniit meeqqat illersorneqarnissaat pillugu Inatsisartut inatsisaat malillugu meeraq angerlarsimaffiup avataanut inissinneqarsimappat imaluunniit meeraq inunngortoq inunngornerminiit sapaatit akunnerit 15-init 19-inilluunniit iluini toqusimappat.

Ersarinnerusumik nassuiaat ilitsersuusiornermi ilanngunneqarumaarpoq.

4. MIO

MIO-minngaanniit Naartunermi, erninermi meeravissiarthaarnermilu sulinnigiffeqarneq pillugu Inatsisartut inatsisaat nr. xx, xx. xxx 2019-imeersoq pillugu tusarniaasoqaqqinnerani akissutit

Meeqqap illersuisuata 2019-imi novembarip aallaqqaataa Naartunermi, erninermi meeravissiarthaarnermilu sulinnigiffeqarneq pillugu Inatsisartut inatsisaat nr. xx, xx. xxx 2019-imeersoq pillugu tusarniaasoqaqqinneranut paasissutissat pissarsiarisimavai. Meeqqap illersuisuaninngaanniit tusarniaanermut akissuteqarsinnaaneq qujassutigineqarpoq.

Meeqqat illersuisuata maannakkumut tusarniaanermi akissutigineqarsimasut aallaavigalugit takusinnaavaa tusarniaaffigineqarsimasut akissuteqarsimasullu akornanni MIO allassimannginnera. Meeqqat illersuisuata Siunnersuut uunga: Naartunermi, erninermi meeravissiarthaarnermilu sulinnigiffeqarneq pillugu Inatsisartut inatsisaat nr. xx, xx. xxx 2019-imeersup tusarniaassutigineqarnerani akissuteqaatini maajip 15-ianeersut innersuussiffigivai (ilanngussatut kakkiunneqarpoq).

Oqaaseqaatit

Meeqqat illersuisuata nuannaarutigivaa inatsisissatut siunnersuutip tusarniaassutigineqarnerata kingorna oqaaseqaatigineqarsimasut malillugit aaqquissuussisoqarsimanera.

Meeqqat illersuisuat tusarniaassutigineqartunut allanik oqaaseqaatissaqanngilaq.

Akissut: Naalackersuisoqarfimminngaanniit ajuusaarutigaarput Meeqqat illersuisuata siullermeerluni tusarniaasoqarnerani akissuteqaataat ilanngunneqarsimannginneri. Meeqqat illersuisuata ilassutitut oqaaseqaatigisimasai allannguisitsisimangillat.

5. Inuit Pisinnaatitaaffii pillugit Siunnersuisoqatigiit: SIUNNERSUUMMUT NAARTUNERMI, ERNINERMI MEERAVISSIARTAAARNERMILU SULINNGIFFEQARNEQ PILLUGU INATSISARTUT INATSISISSAAT NR. XX. XXX 2019-IMEERSUP TUSARNIAASSUTIGINEQAQQINNERANIT AKISSUTEQAATIT

Inatsisartut inatsisissaattut siunnersuutip Naartunermi, erninermi meeravissiarthaarnermilu sulinnigiffeqarneq pillugu Inatsisartut inatsisaat nr. xx, xx. xxx 2019-imeersup tusarniaassutigineqarnerani Isumaginninnermut Inatsisinillu Atuutsitsinnermut Naalackersuisoqarfiup Inuit Pisinnaatitaaffii pillugit Siunnersuisoqatigiinnut oqaaseqaateqartoqassanersoq tusarniaasoqarsimavoq.

Siunnersuut siornatigut 2019-imi apriliip 10-aniit maajip 15-ianut tusarniaassutigineqarnikuuvq, Siunnersuisoqatigiillu maajip 15-iat 2019 tusarniaanermi akissuteqaatini nassiussimallugu. Naalackersuisoqarfimminngaanniillu missiliut siulleq allanngortiterneqarsimanera peqqutaalluni missiliut nutaaq tusarniaassutigineqarpoq.

Siunnersuisoqatigiinninngaanniit suli nuannaarutigineqarpoq erninermut atatillugu sulinnigiffeqartarnerup pitsanngorsaavigineqarnissaanut inatsisitigut allannguisoqarniarnera. Siunnersuisoqatigiinniillu aamma nuannaarutigineqarpoq missiliummi nutaami naartunermut atatillugu suinngiffeqarsinnaatitaanermut aalajangersakkat ersarissarneqarsimaneri taamaasillunilu missiliummi § 24-imi imm. 3-mi - § 3 takuuk – allassimasut malillugit suliffigineqarsimasut naatsorsorneqalerpata naartunermut atatillugu sulinnigiffeqarnerit isiginiarneqarunnaarsimaneri.

Siunnersuisoqatigiinniit tulluuttut oqaaseqaateqarfigineqarput:

FEERIAQARNERSIUTINIK KATERSINEQ

Missiliummi § 42-mi imm. 3-mi allassimavoq erninermusiaqarnerup nalaani feeriarnermusiassanik katersisoqarneq ajortoq. Novembarip aallaqqaataa 2019-imi tusarniaasoqarsimaneranit akissuteqaatit iluanni qupperneq 16-imi takuneqarsinnaavoq Naligiissinaanermut Siunnersuisoqatigiit akissuteqaateqarsimasut, taamak aalajangersaasoqarneratigut arnat ukiup tulliani feeriarnissaminut ajornerusumik inissinneqassasut, soorluttaaq tamanna aamma angajoqqaat sulinnigiffeqarsinnaanermik

agguaanniannerminni tamanna eqqarsaatersuuteqarfigiumaaraat. Siunnersuisiqatigiillu maajip 15-iat 2019-imi akissuteqaateqarnerminni naligiissitaaneq eqqarsaatigalugu tulluurtuusorineqarsimanngitsoq, tassami arnat angutiniit amerlanerussuteqartut erninermusiaqartarmata.

Siunnersuisoqatigiinninngaanniit erninermusiaqarnerup nalaani feeriarnermusianik katersisoqartarnissaata pingaaruteqarnera naqissuseqqippaat.

Siunnersuisoqatigiit innersuussippat:

- Isumaginninnermut Inatsisinillu Atuutsitsinermut Naalackersuisoqarfiup missiliummi § 42-mi imm. 3-mi allassimasoq allannguuteqarfigissagaat, erninermusiaqarnerullu nalaani feeriarnermusiassanik katersisoqarsinnaalersitsissasut.

Akissut: Oqaaseqaatit tusaatissatut tiguneqarput, maannakkumulli siunnersuutigineqartumut allannguutigineqarnaviarnatik. Erninermusiat oqartussaqaqarfinninngaanniit pisartagaapput, feeriarnermusianillu katersissutaanatik.

”INATSIARTUT INATSISAAT MALILLUGU SULINNGIFFEQARNEQ

Missiliummi § 24-mi imm. 3-mi nr.2-mi aammalu § 41-mi imm. 2-mi nr. 2-mi allassimavoq ”sulinngiffeqarneq” ”Inatsiartut inatsisaat una malillugu sulinngiffeqarneq”-tut paasineqassasoq. Missiliummut oqaaseqaatini allassimavoq ”sulinngiffeqarneq” ima paasineqassasoq, pineqartup missiliummi §§ 4-miit 6-imut allassimasut malillugit sulinngiffeqarnera. Aalajangersakkallu taakkua missiliummi kapitali 1-imi allassimapput.

Siunnersuisoqatigiit siunnersuutigaa:

- Isumaginninnermjut Inatsisinillu Atuutsitsinermut Naalackersuisoqarfiup missiliummi § 24-mi imm. 3-mi nr. 2-mi aammalu § 41-mi imm.2-mi nr. 2-mi allassimasuni ”sulinngiffeqarneq”-rup missiliummi kapitali 1-imi allassimasut malillugit sulinngiffeqarnerunera ersarissassagaa

Akissut: Ilaannakortumik ilanngunneqarpoq. § 24-mi imm. 3-mi nr.2-mi aammalu § 41-mi imm. 2-mi nr.2-milu allassimasuni maanna sulinngiffeqarneq pillugu allassimasuni Inatsiartut inatsisaat una atorlugu allassimalersimavoq.

ERNINERMUSIASSANUT ILLUARTITAT

Missiliummi § 12-imi allassimavoq angajoqqaat ataatsimut katillugu sapaatit akunneri 21-t tikillugit angajoqqaatut sulinngiffeqarsinnaatitaasut.

Novembarip aallaqqaataa 2019-imi tusarniaanermut paasissutissat nassiunneqartut quppernerata 12-iani atuarneqarsinnaavoq Naligiissitaanermut Siunnersuisoqatigiit eqqaasimagaat angajoqqaat immikkut sulinngiffeqarsinnaanerannut illuartitsisoqartariaqartoq, taamaasilluni suliffeqarfiit iluanni suaassutsitigut immikkoortitsisoqassanngilaq.

Siunnersuisoqatigiinninngaanniit maligniarneqarpoq Sverigemi, Norgemi, Islandimi EU-milu angajoqqaanut sulinngiffeqarsinnaatitaanermut sulinngiffeqarsinnaatitaanerit ilaat ataataasumut anaanaaqataasumulluunniit illuartinneqartarnerat. Taamannak illuartitsioqarsinnaanerata sulinngiffeqarsinnaanerup suaassutitsigut immikkoortitsinngikkaluarluni inissinneqarsinnaavoq.

Siunnersuisoqatigiit innersuussutigaat:

- Isumaginninnermjut Inatsisinillu Atuutsitsinermut Naalakkersuisoqarfiup angajoqqaat sulinnigiffeqarsinnaatitaaner atataasumut anaanaaqataasumullu illuartinneqarsinnaanera eqqarsaatigissagaa.

Akissut: Ilanngunneqanngilaq.

Siunnersuummi angajoqqaat immikkut sulinnigiffeqarsinnaatitaanermik immikkoortitsiffigineqareerput. Anaanaasoq erninnginnermini sapaatit akunneri sisamat sulinnigiffisinnagai ernereernerullu kingorna sapaatip akunneri 15-it 19-illuunniit sulinnigiffeqarsinnaatitaavoq, ernereernerullu kingorna ataataasoq anaanaaqataasorluunniit sapaatit akunneri pingasut sulinnigiffeqarsinnaatitaavoq, taakkualu sapaatit akunnerini 15-ini 19-inilu siullerni atorneqartariaqarput.

Angajoqqaat sulinnigiffeqarsinnaatitaaner at angajoqqaanut sorlernaluunniit illuartinneqarsimannigilaq, taamaasillunilu angajoqqaat namminneerlutik nammineersinnaaffeqarput eqaatsumillu aalajangiisnaassuseqartitaallutik.

ERNINERMUSIANUT ANINGAASAATEQARFIMMIT PAASISSUTISSANIK PISSARSISINNAANEQ

Missiliummi § 39-mi imm. 2-mi allassimavoq ”Nakkutilliiniarnermut atatillugu erninermusianut aningaasaateqarfik pillugu paasissutissat naapertuuttuosorineqartut Naalakkeruisunut tunniunneqartassapput, tassunga ilanngullugit paasissutissat inunnut attuumassuteqartut suliffeqarfiullu iluani uppersaataasinnaasut.”

Siunnersuisoqatigiinninngaanniit maluginiarneqarpoq siunnersuummi aalajangersakkani oqaaseqaatiniluunniit ilanngunneqarsimannigisoq paasissutissanik tunniussineq suliaqarnerluunniit Kalaallit Nunaanni inunnut paasissutissanik suliaqarnermut peqqussut nr. 1238, 14. oktober 2016-imeersumi aalajangersakkat malinneqassasut.

Siunnersuisoqatigiit innersuussutigaat:

- Isumaginninnermjut Inatsisinillu Atuutsitsinermut Naalakkersuisoqarfiup siunnersuummi § 39-imi imm. 2-mi allassimasut pillugit oqaaseqaatini ilanngutissagaa paasissutissanik tunniussineq suliaqarnerluunniit Kalaallit Nunaanni inunnut paasissutissanik suliaqarnermut peqqussut nr. 1238, 14. oktober 2016-imeersumi aalajangersakkat malinneqassasut.

Akissut: Ilanngunneqanngilaq, taamaaliornermullu peqqutaavoq inatsisinut allanut innersuussuteqarnermi inatsisitigut malittarisassat malinneqassammata.

6. Nunatsinni advokatit

Naartunermi, erninermi meeravissiarthaarnermilu sulinnigiffeqarneq pillugu Inatsisartut inatsisaat nr. xx, xx. xxx 2019-imeersussatut siunnersuutip tusarniaassutigeqqinneqarneranut akissuteqaatit

Nunatsinni Advokatit - Grønlandske Advokater sinnerlugit qulaani inatsisissatut siunnersuutip tusarniaassutigineqarnerani oqaaseqaatit maanna nassiunenqarput. Innersuussutigineqarpoq

tulliuttumi inatsimmi sulilernermi ilinniarnermilluunniit aallartitsineq peqqutaalluni sulinngiffeqarsinnaatitaaneq pillugu imm. 3-mi allassimasut iluanni ersarinnerusumik allattoqarnissaa.

§ 19. §§ 3-mi, 7-mi, 9-mi, 12-imiluunniit allassimasut malillugit sulinngiffeqarsinnaatitaaneq unitsinneqarpat, sulinngiffeqarsinnaatitaanerup sinnera atorneqarsinnaajunnaartarpoq. Imm. 2. Sulinngiffeqarsinnaatitaaneq unitsinneqartutut isigineqartarpoq, aapparisap sulinngiffeqarsinnaatitaaneq tigunagu sulinngiffeqarsinnaatitaasoq sulinerminik ilinniarnermilluunniit aallartitseqqippat aallartitsippalluunniit.

Imm. 3. Sulinngiffeqarsinnaatitaaneq unitsinneqartutut isigineqarneq ajorpoq, angajoqqaatut sulinngiffeqarsinnaatitaanermi sapaatit akunnerini kingullerni sisamani sulinngiffeqartup § 13-imi allassimasut malillugit sulisitsisuni isumaqatigeriarlugu ilaannakortumik tamakkiisumilluunniit sulinerminik aallartitsisimappat.

Akissut: Ilaannakortumik ilanngunneqarsimapput. Imm. 3-mi ilanngussisoqarsimavoq tassanilu ima allaqqasoqarpoq:

” Imm. 3. Sulinngiffeqarsinnaatitaaneq unitsinneqartutut isigineqarneq ajorpoq, sulineq § 13-imi allassimasut malillugit ilaannakortumik tamakkiisumilluunniit aallartissimappagu.”

7. Kommuneqarfik Sermersooq

Tusarniaanermi akissuteqaat – Naartunermi, erninermi meeravissiarthaarnermilu sulinngiffeqarneq pillugu Inatsisartut inatsisaattut siunnersuut

Ataatsimut oqaaseqaatit

Kommuneqarfik Sermersuuminngaanniit tusarniaanermi akissuteqarsinnaatitaanitsinnut qujavugut. Kommuniminngaanniit naartunermi, erninermi meeravissiarthaarnermilu tamanut sulinngiffeqarsinnaatitaaneq pitsaanerusoq ullutsinnullu naapertuunnerusoq ilalerneqarpoq.

Namminersorlutik Oqartussat ”Inatsisissamut siunnersuummut oqaaseqaatai”

Inatsisissatut siunnersuummut oqaaseqaatinik allattorsimaffik oqaatsitigut kukkunernik ulikkaarpoq. Taamaattumik kommuniminngaanniit oqaaseqaatit kukkunersiorluaqquneqarput.

§ 24-mut tunngatillugu oqaaseqaatini kukkusumik allassimavoq kommunabestyrelsemi ilaasortat naartunermi, erninermi meeravissiarthaarnermullu atatillugu sulinngiffeqarneranni erninermusianik tunniussisoqarsinnaanngitsoq. Tamanna kukkusumik ilanngunneqarsimagunarpoq, takuuk Kommunit aqutsinerat pillugu ianstimmi § 56-imi imm. 8. Tassanimit ersarissumik allassimavoq kommunalbestyrelsemi ilaasortat naartunermi, erninermi meeravissiarthaarnerminnullu atatillugu sulinngiffeqarnertik aningaasarsiatigut annaasaqarfisannngikkaat.

Akissut: Ilanngunneqarpoq.

§ 24-mut tunngatillugu oqaaseqaatini aaqqiisoqarpoq, massakkullu allaqqalerpoq kommunabestyrelsemi ilaasortat naartunermi, erninermi meeravissiarthaarnerminnilu sulinngiffeqarnerat aningaasarsiatigut annaasaqaataassanngitsoq.

Aalajangersakkanut ataasiakkaanut oqaaseqaatit

Aalajangersakkamik ilanngussineq.

Ingerlatsivimminngaanniit kissaatigineqarpoq erseqqissumik allanneqassasoq assersuutigalugu eninermusiassanik naatsorsuisoqarnissaanut/tunniussisoqarnissaanut kiisalu ajunngitsunik tunniussisoqarnissaanut marloriaammillu aningaasarsisitsisoqannginnissaa anguniarlugu kommuniminngaanniit oqartussa qarfinnut allanut - tassunga ilanngullugu erninermusianut aningaasaateqarfik kiisalu sulisitsisorisat namminersortut – paasissutissanik naapertuuttunik piniartoqarsinnaanera.”

Akissut: Ilaannakortumik ilanngunneqarpoq.

Tunngavilersuutaasinnaasoq tulliuuttoq ilanngunneqarpoq, erninermusialik erninermusiaqarnissaminut pisinnaatitaaffeqanngitsutut nalilersorneqarpat kommunalbestyrelseminngaanniit oqartussa qarfiit allat paasissutissanik aallerfigineqarsinnaapput.

Kommuniminngaanniit sulisitsisorisimasat namminersortut kiisalu erninermusianut aningaasaateqarfik paasissutissanik aallerfigineqarsinnaasunngorlugu allanneqarsimannigilaq.

Tassunga maluginiarneqaqqunneqarpoq erninermusianut aningaasaateqarfik tamanut ammasutut oqartussa qarfittut aaqqinneqarnaviannngimmat. Erninermusianut aningaasaateqarfimminngaanniit taamaallaat sulisitsisut aningaasanik utertitsiffigineqarnissaat suliarineqartassaaq. Taamaasilluni akissarsiallit erninermusianullu aningaasaateqarfiup akonanni isumaqatigiissusiortoqarnaviarani.

§ 15, nr. 3

- Allattoqarsimavoq ” arlaatigut immikkuullarissumik pisoqartillugu”. Suunukua immikkuullarissut pineqartut?
- Oqaaseqaatini imaluunniit ilitsersuutaasussami assersuusiorsinnaagussi pitsaassaqaq.

Akissut: Oqaaseqaatit tusaatissatut tigunearput. Ilitsersuusiortoqarnerani ersarinnerusumik nassuiaassissummik suliaqartoqarumaarpoq.

§ 25, imm. 1.

- Oqaaseqaat oqaatsinut attuumassuteqartoq; oqaaseq ”skal” ilanngunneqassaaq: ”Den udbetalte løn, jf. § 24, skal som minimum udgøre...”

Akissut: Ilanngunneqarpoq.

§ 47

- Oqaaseqaat oqaatsinut attuumassuteqartoq: Aalajangersagaq pisariaqanngitsumik paasiuminaassarneqarsimavoq.

- Siunnersuut:

- o Oqaaseq sulinngiffeqartoq atorneqarsinnaavoq ”erninermusiaqarnissamik qinnuteqartoq” atoqinagu, soorlu § 46 allassimasoq, taamaasilluni oqaatsinik atuineq oqinnerulissaaq, assigiinnerulissaat,

Akissut: Ilanngunneqanngilaq. "Sulinngiffeqartoq"-lli atorineqanngilaq, tassami erninermusiat taamaallaat tunniunneqarsinnaammata inatsisit malillugit sulinngiffeqartumut.

8. PPK/ Ernisussiortut Kattuffiat

Tullitut pillugu tusarniaasoqagqinneranut "Uunga siunnersuut: Naartunermi, erninermi meeravissiarternermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq" akissuteqaatit

Ernisussiortut Kattuffianniit ilassutitut oqaaseqaatit.

§ 3 anaanaasup erninissamut naatsorsuutigisaasumt sapaatit akunneri 6-8 sioqqullugit sulinngiffeqarsinnaatitaanera aallartissinnaasariaqaraluarpoq. EK-minngaanniit misilittakkaat aallaavigalugit naartusut naartunermi artorsaatartartaqaat, tassungalu atatillugu sulisitsisut naartusup pisariaqartit aallaavigaugit suliassat nalimmassarneqarsinnaanerat ajornakusoorarpoq. Misilittakkagut aallaavigalugit naartusut napparsimasut nalunaarutigisariaqartarsimavagut, manngertitsivallaarnitik peqqutigalugit sulisinnaajunnaartaramik tamannalu ernisussiortumut siusinaarluni ernisinnaanermut ernumasitsisarsimavoq, naartusullu aava qaffasissumik inissimalertarluni assigisaalu. Tamanna uippakajaartitsinnaasarpog, tamannalu naartusumut meeqqamutllu peqqinnangilaq. Naartunermittaaq allanngorujussuortoqartarpoq, tassami naartusup inuunera allanngortariaqartarpoq il.il, tamannalu peqqutaalluni naartusoq pisinnaatitaaffeqarsinnaasariaqaraluarpoq "akissarsiatigut ilanngaassiffigineqanngikkaluarluni erninissaminut piareersarnissaa, tarnikkut angajoqqaanngornissaminut piareersarnissaa kiisalu MANU-mi angajoqqaanngornissamut piareersaasitsisunut peqataasinnaanissaa.

Akissut: Ilanngunneqanngilaq.

Inatsisartut 2018-imi ukiaanerani ataatsimiinnermini aalahangerpaat angajoqqaat sulinngiffeqarsinnaanerat sapaatit akunnerinik sisamanik sivitsorneqarnissaa kiisalu 2019-imi upernaakkut ataatsimiinnermi erninissaq sioqqullugu sulinngiffeqarsinnaatitaanerup sapaatit akunnerinik marlunnik ilaneqarnissaa.

Taamaasilluni sulinngiffeqarsinnaatitaanerup sivitsporneqarnera polutikkigit aalajangiussaapput, allannguutillu taakkua marluk aningaasalerneqarsimallutik.

Angajoqqaanngornissamut piareersaatinut tunngatillugu oqaaseqaatit suliap ingerlateqqinnissaanut eqqarsaatigineqarumaarput.

Naatsorsuutigineqarporli angajoqqaanngornissamut piareersartoqarnissaanut atatillugu sulinngiffeqarnissamut attuumassuteqartoq akissarsiallip sulisitsisullu akornanni isumaqatigiissutigineqarumaartoq, soorlu aamma naartunermi misissortinnerit assigissaallu pillugit sulinngiffeqarneq taamaattoq.

§ 3 Ataataasup anaanaaqataasulluunniit atasuinnarmik sapaatit akunneri pingasut sulinngiffeqarsinnaatitaanera eqaannerusumik aaqqiivigineqartariaqaraluarpoq, tassami ilaqutariit namminneq aalajangersinnaasariaqarpaat sulinngiffeqarneq atorusunnerlugu imaluunniit pisariaqartit aallaavigalugit sapaatit akunneri aggulunneqarsinnaasariaqaraluarlutik.

Akissut:

Ataataasup anaanaaqataasulluunniit § 7 aallaavigalugu sulinngiffeqarsinnaatitaanera eqaatsumik aaqqiivigineqarsimavoq, taamaasillunilu ataataasup anaanaaqataasulluunniit sapaatit akunneri pingasut sulinngiffeqarsinnaatitaanini meeqqap inunngorneraniit sapaatit akunnerini siullerni 15-ini atorsunnaallugu. Angajoqqaat namminneerlutik aalajangissavaat qaqugukkut ataataasup anaanaaqataasulluunniit sapaatit akunneri pingasut sulinngiffeqarsinnaatitaanini atorniarnarlugu.

Siunnersuummi angajoqqaat periarfissineqarsimapput angajoqqaat sulinngiffeqarsinnaatitaaffianni sapaatit akunneri sisamat kingulliit eqaatsumik aaqqiivigineqarsinnaanerini, tassami namminneq aalajangersinnaavaat piffissaq siammasinnerulersissanerlugu, kinguartissanerlugu imaluunniit sapaatit akunneri kingulliit piffissami allami atussanerlugit. Tamannali anaanaasumut ataataasumulluunniit sulinngiffigineqarsinnaasutut immikkoortitani atorineqarsinnaanngilaq. Oqaaseqaatigineqartut inatsisip atuutsikkiartuaarneqarnissaanut suliaqartoqarnerani eqqarsaatigineqarumaarput.

§ 11 Angajoqqaarsiat meeqqamik tiguserminnut atatillugu sulinngiffeqarsinnaatitaasariaqaralarput. Tamanna kommunit aningaasaliinerinut attuumassuteqartariaqanngikkalarpoq. Sulinngiffeqarsinnaatitaaneq meeqqap ukiui aallaavigalugit inissineqartariaqarpoq. Taamaasiornikkut meeqqap isumaginnitsiminut qanillinissaa qulakkeerneqassagalarumat, soorlu meeqqat inoorlaallu allat taamaattut. Meeqqat angerlarsimaffimmut nutaamut nuunnerminni illersorneqartariaqarlutillu toqqissimatineqartariaqarput. Meeqqap pisariaqartitaat aallaavigalugit angajoqqaarsiat sulinngiffeqarsinnaatitaasariaqaralarput, assersuutigalugu angajoqqaarsiat inoorlaamik meerarsiartaarnerminnut atatillugu erninermut atatillugu sulinngiffeqartarnerup assinganik – 15/3 – sulinngiffeqarsinnaatitaasariaqarput soorlu aamma angajoqqaat sulinngiffeqarsinnaatitaanerat sapaatit akunnerinik 21-nik ilassuserneqarsinnaassasoq.

Akissut: Ilanngunneqanngilaq.

Meeqqat angerlarsimaffimmut allanut inissineqartarnerinut tunngassuteqartut ullumikkut Meeqqamik paarisassamik inissiinermi sulinngiffeqartarneq pillugu Namminersorlutik Oqartussat nalunaarutaat nr. 3,26. februar 2010 -imeersoq aallaavigalugu aalajangersarneqarsimavoq. Nalunaarummi periarfissaavoq sulinngiffeqarnissamut pisariaqartitsineq nalilersoneqalertillugu meeqqap ukiui kisiisa isiginiarnagit meeqqap pisariaqartitaa aamma isiginiarneqassasoq.

Nalunaarut nutarterneqartussaavoq, kisiannili annertuumik allannguisoqarnissaa siunertaanngilaq.

§ 19 Meeqqap napparsimavimmi uninnganeranut atatillugu ataataasup anaanaaqataasullu sulinngiffeqarsinnaatitaanerminnik sivitsuisinnaanissaat periarfissaasariaqaralarpoq.

Akissut: Oqaaseqaatit tusaatissatut tiguneqarput, allannguutaanaviannngillalli.

§ 19 - § 19-imut § 13-imullu atatillugu angajoqqaat sulinngiffeqarsinnaanerat eqaatsumik aaqqissuussaq paasiuminaatsinneqarpoq. § 13-imi allassimavoq sulinngiffeqarsinnaatitaanermi sapaatit akunneri sisamat kingulliit sulisinnaaneq aallartinneqarsinnaasoq meeqqap 5-nik ukioqalernissaa tikillugu. § 19-imili allassimavoq,

sulinngiffeqarsinnaatitaanermi piffissaq kingulleq annaaneqartartoq angajoqqaajusut arlaasa sulinnigiffeqarnertik unitsippagu – arlaannaatalu sulinnigiffeqarneq nanginnagu.

*Akissut: § 19-imi imm. 3-mik ilanngussisoqarsimavoq tassanilu ima allassimavoq:
” Imm. 3. Sulinnigiffeqarsinnaatitaaneq unitsinneqartutut isigineqarneq ajorpoq, sulineq § 13-imi allassimasut malillugit ilaannakortumik tamakkiisumilluunniit aallartissimappagu.”*

§ 35 Eqqarsaatigineqarsinnaanngila siulersuisuni ilaasortat siulersuisut ataatsimiinnissaannut skypekkut allatigulluunniit peqataatinneqarsinnaanerat?

Akissut: Ilumut. Erninermusianut aningaasaateqarfiup aningaasartuutai minnerpaaffimmiisinniarneqartussaapput.

§42 Imm. 3 erninermusiaqarnerup nalaani feeriarnermusiassanik katersisoqarsinnaasariaqaraluarpoq

Akissut: Oqaaseqaatit tusaatissatut tiguneqarput, allannguisitsinaviarnatilli.

§ 46 oqaaseqaammut siullermut attuumassuteqarpoq, naapertuuttuosorineqanngilaq erninermusiaqarnerup nalaani feeriarnermusiassanik katersisoqarsinnaanngilaq, tassami piffissami erninermusiaqartoqarnerata nalaani feeriarnermusisoqartillugu erninermusisoqaquusaanngimmat. Tassa imaappoq ilaqutariit nukangasunik meerartallit feeriarfissanik pisariaqartitseqqisut (ilaqutariitsut ataatsimoornissamut kisiannili aamma akissarsiasaqaartitaananani napparsimasoomissamut atugassat) ukiup tulliani feeriorsinnaanaviannigillat imaluunniit akissarsiaqaatiginagu meeqqamik napparsimasoorsinnaanissamut aningaasatigut toqqortuisoqarsinnaanngilaq.

Akissut: Erninermusiaqarsinnaatitaaneq isertitassaraluanik annaasaqarnermut attuumassuteqarpoq. Sulinnigiffeqartoq sulinnigiffeqarnini tamakkerlugu akissarsiasaqaarsinnaatitaavoq arlaatigulluunniit ullormusiaqarsinnaatitaanngiffimmi aaqqiiffigineqarsinnaatitaalluni.

Maluginiarneqaqquneqarporli, feeriarnermut inatsisit malillugit erninermut atatillugu sulinnigiffeqarneq sulinertut isigineqartarami feeriarnissamillu katerfissiusarluni. Tassa imaappoq akissarsialik sulinnigiffeqarnermini ullunik feeriarfissanik katersisinnaasoq.

Akissarsialik sulinnigiffeqarnermini feeriorsinnaanngilaq, taamaasilluni sulinnigiffeqartup suliffimmini suliinnassaguni feeriarfissaagaluanu ukiup tullianut nuussinnaallugu.

Ilitersuummi uani pineqartut sukumiinerusumik ersarissarneqarumaarput.

9. Sulisitsisut

Ataatsimut isigalugu Sulisitsisuninngaanniit siunnersuut ilalerneqarpoq. Sulisitsisuninngaanniit tulluuttut kisiisa oqaasissaqarfigaagut:

§ 19 pillugu

Sulisitsisut naliliinerat aallavigalugu aalajangersagaq ersarissarneqartariaqarpoq, ilaannakortumik atuartitsinerni peqataaneq isumaqassanngilaq sulinnigifeqarnermik unitsitsineq, soorlu tamanna aamma oqaaseqaatini ilanngunneqarsimasoq. Maannakkumut nassuiaatit aallaavigalugit nalunaarutini aalajangersaasoqartussaavoq

Akissut: Oqaaseqaatit tusaatissatut tiguneqarput, allannguisitsinaviarnatilli.

Sulinnigifeqarnerup unitsinneqarneranut tunngatillugu allannguisoqarnissaa siunertaanngilaq. Naalakkersuisoqarfimmiut isumaqarput oqaaseqaatini assersuutaasut allassimasunik paasinnittariaatsinut attuumassuteqaannarput, taakkualu inatsimmut nalunaarutitut isigineqariaqaratik.

§ 24-imi imm.3 pillugu

Sulisitsisut aalajangersakkami atuaanermi paasivaat aalajangersakkami allanneqarsimasoq, sulisimanermi akunnerit naatsorsorniarneqarnerani sulinnigiffiit (1-miit 6-imut) peqqutaasut naatsorsuinermi ilanngunneqassanngitsut. Una pineqarunaraluarpoq akunnerit taakkunani pineqartut naatsorsuinermi ilanngunneqassasut. Oqaaseqaatinili ersarissumik allanneqarsimavoq taakkua ilanngunneqassanngitsut.

Sulisitsisuninngaanniit innersuussutigineqarpoq imm.3-mi allaarniutaasoq allatut allanneqartariaqartoq.”

Akissut: Ilanngunneqarpoq.

Aalajangersakkat ersarissarneqarput ”Naatsorsuinermi imm.2-mi allassimasut peqqutaallutik sulinnigisoornerit isiginiarneqassanngillat” tulliuttumik taarserneqarsimavoq ” Imm. 2-mi naatsorsuinerne sulinnigiffiusimasut tulliuttunik peqqutillit ilanngaassissutaassanngillat: ”

§ 27 pillugu

§ 27 pillugu oqaaseqaatit aallartinnerini allaqqanngilaq akissarsiallit kapitali 1-imi allassimasut malillugit sulinniginnerminut atatillugu aningaasanik utertitsiffigineqarsinnaasut. Sulisitsisut namminersortut isumaqatigiissutit malillugit sulisutik erninermi atatillugit sulinnigifeqarnerisa nalaanni akissarsitittussaavaat, taakkuuppullu namminersortut erninermusianut aningaasaateqarfianniit utertitsiffigineqarsinnaasut.

Akissut: § 27 pillugu oqaaseqaatit allatut allaqqalerput, maannakkullu ersarinnerulerluni sulisitsisut namminersortut sulinnigifeqartoqarnerani akissarsisitsisartut utertitsiffigineqarsinnaasut, tamannalu pissaaq akissarsiaqartoq isumaqatigiissutinut attuumassuteqaannikkaluarpalluunniit.

Aammattaaq ersarissarneqarsimavoq inatsisini allassimasut avataatigut akissarsiaqarnerani sulinnigifeqartoqartillugu akissarsitsitsinerit utertitsissutaasinnaanngitsut. Tamaaliortoqarneranullu peqqutaavoq siunnersuummi sulisitsisut piffissani taakkunani akissarsisitsinissaannut pisussaaffilerneqassanngimmata.

Assersuutigalugu kapitali 5-imi allassimasut malillugit naartusoq naartunerlunnerminut atatillugu sulinnigifeqarsimaguni, sulisitsisoq pisussaaffeqanngilaq akissarsisitsissalluni.

Sulisitsisoq isumaqatigiissutit malillugit sulisuminut akissarsisitsisoq, allatigut sulinngiffeqartoqarnerani aningaasartuutiminut utertitsiffigineqarsinnaanngilaq.

Akissarsiatut taasanik ersarissaanermi allanneqarsimavoq inatsisartut inatsisaat malillugu akissarsiat tassaasut aningaasarsiat A-t B-llu, taakkualu tassaasut akissarsiallip sulinerminut atatillugu ersitatai.

Paasiuminaappoq sulisitsisoq aningaasarnianut B-usunut soorlu akeqanngitsumik oqarasuaateqartitsinerminut, biileqartitsinerminullu utertitsiffigineqarsinnaasoq.

Tunngaviusumik akissarsiatut taaneqartariaqartut tassaapput tunngaviusumik akissarsiat, inuttut ilassutit aammalu sulisitsisup utoqqalinermusiassanut akiliutai imaluunniit akkortikkat/tunisinermi akissarsiassat.

Sulisitsisoq maannakkumut inatsisaasut malillugit sulisitani oqartussaqaqfinniilluunniit ullormusiaqartinneqaraluarpat feeriarnermusiassaanik tunniussisussaataivoq. Taakkualu utertitsisoqarnissaanut ilanngunneqartariaqarunangillat.

Akissut: Ilanngunneqarpoq.

*Aningaasarsiassanut aningaasartuutit pillugit ima allassimasoqalerpoq
"Aningaasarsiassanut aningaasartuutit tassaapput tunngaviusumik akissariat, inuttut ilassutit, sulisitsisup utoqqalinermusiassanut akiliutaa, akkortikkat tunisinermillu akissarsiassat."*

§ 34 pillugu

Eqqarsaatigineqartariaqarpoq aalajangersakkami imaluunniit oqaaseqaatini minnerpaamik allassallugu, siulersuisut piffissap ilaani alattoqarfik namminersorlutik oqartussanut nuutsissinnaagaat.

Akissut: Ilanngunneqanngilaq

Maannakkumut allassimasut aallaavigalugit allaqanngilaq siulersuisut Namminersorlutillu Oqartussat isumaqatigiissinnaasut piffissap ilaa Namminersorlutik Oqartussaqaqfik siulersuisunut allattoqarfitsigut sullissisoqarsinnaanera pisinnaanngitsoq.